


			一	和
			八	書
			三	門
			二	
四	一	二	四	類
册	架	函	號	



				和
			一	書
			八	
			三	
			二	
三	四	五	四	類
架	册	號	類	

詩文

内閣文庫	
番號	和 18324
册數	4 (1)
函號	205 52

205-52





永源寂室和尚語上

偈頌

偶作

無業下生莫妄想瑞巖只喚主人公空山白白蘿窻

下聽罷松風午睡濃

書金藏山壁一首

借此閑房恰一年嶺雲溪月伴枯禪明朝欲下巖前

路又向何山石上眠

風攪飛泉送冷聲前峯月上竹窻明老來殊覺山中

好死在巖根骨也清

九月十三日遊田原村投宿茆舍同來諸弟皆



曲肱就寢獨開窗觀月聊寫老懷耳
戊子季秋將半日田原村裏宿煙蘿看來五十餘霜
月幽興不如今夜多
長州逸上人袖出塊石兩峽對峙恰如壁青玉
中夾糸白直下若懸飛泉九寒巖空洞幽趣餘
態使人殊增丘壑之志仍賦一絕贈之云
故舊探懷示奇物噴噴流瀑勢千尋因思疇昔遊廬
嶽雙劍峯前獨自吟
關西龍侍者高標清致真叢林頭角者也道聚
山中中共守枯淡遠介告別以偈仍與次韻壯其
行色云尚書上

雪後諸峯淡暮風寒梅初綻野村南臨歧一旬只這
是二喚機前著眼參

春日遊吉備中山韻

勝地千年寺房々竹樹間落花埋古徑幽鳥叫空山
遊客凌晨到歸程踏月還留題誰耀壁才拙愧追攀
贈長勝專使誣禪者

使乎々々不辱命佳聲須是播叢林盡精話到吾師
席月下寒蟄咽夜深

蘆鴈二首 飛鳴宿食

湘岸慣雙宿胡夫成幾行平沙寒白暮獨立恨何長
霜風吹秋老楚甸稻梁稀切莫呼眠起夢飛可北歸

密叟侍者遠自都下建仁特來山中相探夜話
達且甚慰十年之願想今歸長州省師留一偈
而別依韻奉謝云

林下老來誰與期夢魂幾度到京師
今宵閑却安禪榻燈盞添油話舊時

懶踏利門名路塵千峯影裏獨凝神
故人俄把柴扉扣又聽叢林事之新

贈椿上人遊方

禪人來討贈行篇暗把枯腸苦搜索
渾無一句可呈君月照空山秋寂寞

中秋值雨

指話以前正好看覺夫無滓影團々頂門不具沙門
眼却被中秋夜雨瞞

寄靈叟和尚

五更起坐聽松風算故人來半作空
不識何時埋臭骨煩兄閑夢入荒叢

賡韻酬雄藏主

不在交談與寄書同參句子舉無餘
年來老弟多懶僻休罷區々問起居
東南月皎海天晴惹動高人萬古情
把沒絃琴彈一曲風前誰是聽希聲

寄靈叟和尚

在兵庫福嚴作

我此門頭接市鄼那堪日事紛然百錢買得丁柄
鑿去斷青山安暮年

重陽

凌晨掃葉立庭除籬落西風露濕裳時有山童來採
菊報言今日是重陽

成親墓韻

身亡王事只名存悲看荒墳長蘚痕千古中山春寂
寞巖花香可返幽魂

室山看花韻

野興催人青晝長行看巖院滿庭芳僧從平樹陰中
過鴉在瑤葩重處藏擁砌應添山月色飄窻又助厓

鐘香老來好景難多遇眼醉風光心欲狂

遊八塔寺

丁嶽壓三府白雲覆碧巔峯高踰萬仞寺古逾千年
僧坐虛堂月猿吟老樹煙窻言浮世士來此脫塵緣

神根道中

怪石奇巖碧澗流白雲紅樹夕陽秋景山楚水曾行
徧清興何如此勝遊

佛涅槃

三身導師涅槃也人天第是苦傷悲溪山二月花如
錦錯認秋風紅蕖時

送調上人之京

八月九月風月好一聲兩聲鴈聲寒公驗分明須進
步元來太道透長安

再遊大和寺

此地得重遊春殘院落幽花難歸樹上雪易點人頭
鳴竹風吹夢烹茶客自留明朝又携杖去要臥林丘
酬壽聖養直和尚來論兼簡同門諸法兒長勝之命
嘉音兩度到林巒驚起午眠開竹關盡語龍峯下頭
角一生放我得安閑

寄大澤庵主

大士峯前屈大澤安心山下獨安禪君今抱疾吾還
老來往不知能幾年

曆應辛巳七月六日曉偶夢將死寫得覺而記

之云

錯把黃金鑄鐵牛草肥煙暖臥林丘今年五十有二
歲且喜不耕還見秋

建武丁巳六月廿五夜夢中得兩句覺而續之云

人生倏忽同露電計較何曾徒自瞞萬事隨緣胡亂
過飽餐百飯看青山

書稚村山庵壁

澗水下入間巖雲過別山聊聽幽鳥語似喜野僧閑
和韻夜話

三祇劫外舊冤讎一夜山庵得聚頭曠恨怨言傾倒

了、纏、錢、騎、鶴、下、揚、州、

謝、訥、堂、和、尚、過、訪、

索、冥、春、光、巖、下、寺、高、人、金、錫、拂、煙、霞、空、山、日、永、將、何、
待、唯、有、庭、前、一、樹、花、

宿、西、禪、寺、

火、後、西、禪、寺、門、庭、冷、似、灰、井、河、聲、寂、寞、嵐、嶠、碧、崔、嵬、
唯、有、山、雲、宿、渾、無、俗、駕、來、上、方、老、禪、伯、古、格、復、追、回、

憶、友、人、

山、院、春、深、客、不、來、空、庭、花、落、沒、蒼、蒼、欲、留、添、景、怕、無、
策、猶、算、佳、人、念、未、灰、身、老、宜、居、世、外、雲、閑、只、合、臥、
巖、隈、午、眠、一、覺、茶、三、椀、望、斷、千、峯、推、闥、開、

摘、茶、

枝、頭、葉、底、著、精、神、無、限、芬、芳、遠、襲、人、體、用、之、中、收、不、
得、一、籃、漏、泄、十、分、春、

庚、寅、冬、登、備、前、金、山、訪、功、上、人、幽、居、援、毫、賦、山、

中、四、威、儀、書、壁、上、云、

山、中、行、煙、霞、遠、近、失、歸、程、溪、邊、跌、脚、指、頭、破、流、水、聲、
和、忍、痛、聲、

山、中、住、草、衣、藜、食、閱、朝、暮、千、峯、盡、日、入、雙、眸、不、記、青、
黃、能、幾、度、

山、中、坐、石、榻、踟、躕、惟、一、箇、全、非、樂、寂、兼、嫌、喧、獨、有、閑、
雲、相、許、可、

山中臥高枕，蘿窻縱怠情。天風吹折老松枝，巨耐驚
吾濃睡破。

寄倫上人

締交英俊自忘年，一夜馳情困枕拳。夢裏分明相見
了，爐邊聽雪對談禪。

寄淨妙實翁和尚

日聽聲光高耀天，衰殘依舊臥巖煙。西來三世重擔
子，獨有荷山勞隻肩。

雪中寄東隆長老

菴外雪深積菴中，僧獨禪同。如到此共話，普通年
戊子沾洗之末，出遊而歸，忽覩北巖侍者見寄。

佳什依韻寫懷云尔

青鞋踏徧幾春山，病翼倦飛今已還。慣待宿雲分半
榻，日昏猶未掩柴關。

鬖珠未可易，心友得尤難。獨弄閑中味，白頭對碧山。

北巖濟侍者，天資英拔而蘊藉淳素，頗有古衲
之風。從愚游最久矣，實為忘年友。于丁亥冬謝

事慈光，欲止錡錫於西祖明禪之間。此計未決，
俄來告辭，要復歸養。愚菴全清高之節，不可得

而留，遏其志亦足可嘉也。聊摘拙辭贈之云，
多載聚頭誠有因，拾枯煮瀑寂寥濱。口甜心苦真相

識義斷情忘，道易親高掩。松關歸舊隱，俯看人世等。

浮塵竹房留得老禪衲獨喜青山爲作隣

聞鷺

鷓鴣喚那曾堪比况深花影裏弄幽簧無人會得聲前
旨又逐春風過短牆

次韻酬提藏主

可是憑君振祖風曾聞宗說兩俱通莫言千載知心
少且喜今朝同志逢藏裏摩尼照襟宇金剛寶劍快
機鋒徹宵傾倒無生話月上遙峯古澗東

訪忍副寺庵居

何事拂衣深退藏亂峯影裏小禪房雲居庫下有華
姪終續楊歧六世芳

震巖和尚前日見惠三偈依韻奉謝切勿示人
羞招羅公之誚一笑

撥轉白雲關換了人夫眼自價聲增龍生龍子尋常
事且喜吾兄熾佛燈

深愛襟懷明似月又添志氣烈如霜浙東西與湖南
此共話還忘秋夜長

宗眼高明道自尊任教表率我空門今朝坐斷青峯
頂堪報先師不報恩

再用震巖和尚韻

出入人間百未能衰窮踈懶日相增餘生贏得安心
經青眼看它續祖燈

一別到今三十白蒼顏鶴髮老風霜秋窻雨夜青燈
下同打葛藤如許長
未法僧中誰可尊紛々多走利聲門清高獨有雲峯
在奮志須酬佛祖恩

夜宿千光寺

十有年前問故人相看把手語如春爭知此夜眠陳
跡月射寒窻風撼筠

寒夜即事

風攬寒林霜月明客來清話過三更爐邊闕筋忘煨
竿靜聽敲窻葉雨聲

送曇浚之相陽

心到龍峯身不到餘生已近鬼爲隣如今喜得子前
去替我能除塔下塵

送會禪人遊方

臨濟曾參黃蘗禪烏藤六十蒿枝拂今爲君行贈此
言春山雨後碧如潑

春日山行

滿頭踈髮捩銀絲來歲逢春未可知竹杖芒鞋多野
興山花看到幾株枝

夜宿龍聖寺月翁遺席

白雲峯下青松塢一夜空房坐到明露洗秋旻月初
上郎忙問訊老師兄

訪俊鈍庵夜話達且而見贈以偈依韻謝之云
一夕清談襟宇披這回且喜扣玄扉翻身跳下重淵
底奪得驪珠念八歸

與山關西素維那從淨智實翁老兄會中來相訪巖
居而出示翁所惠偈老拙輒依其韻贈云
袖裏金槌影動時桃花含笑柳舒眉克賓不負老興
化又向寶山下歸

翡翠

何年離鬱林彩羽照清泚身居枯葦危心在深潭底

鵲鴝

不管弟兄難獨翹原上石貪看胡蝶飛似破其幽寂

三月盡

無限風光已索然殘花尚自舞庭前春歸定有重來
日人老何曾復少年幻跡多留青嶂裏幽懷常在白
雲邊閑窗晝永如經歲課罷楞嚴隱兀眠

贈宏上人

白雲深處掩茅茨慚愧禪人問舊知相送出關兩無
語長松影下立多時

贈清公上人歸省西禪和尚

鳥啼花笑興悠哉知識門庭破草鞋百衲如君無半
箇孤筇過我已三面道情應是清秋水世慮何其冷
死灰莫袖一雙窮相手令師背下放光來

戊午仲春借榻於東禪之客欄作波旬之留偶
遊花嶽菴訪于心公法兄觀其韜籙之韻致幾
乎追配瓊亮之高風也愚謾遊江湖垂二十載
以未獲歸休之計爲愧矣紫栗青鞋他日重來
從公乎水邊林下非愚誰歟因述俚語紀其志
云耳
寥々清夜適幽情蘿月松風孰共爭不覺敲攔舒一
嘯知音只有曉鐘聲
春入燒痕紫蕨肥樵籃拽杖出禪扉袖中辣手未拈
出輸與豎拳那一機
此生隱約倚寒巖流涕難收口似緘幽鳥不知頻話

隨亂峯影裏語呢喃
澗水旋添茶鼎湯山花時助石樓香破蒲團上無餘
事又見林巔掛夕陽

入定猿

盤陀石上禪應是息攀緣孤影沈平峽三聲斷冷泉
次韻酬日峯和尚

一生贏得一身閑此樂自知言及難物外高人同趣
味杖藜時復到林間

借忠侍者韻寄幻居菴主一首

鉢前春日
藏山徒弟

心字不須門上書一拳頭上沒親踈它時慧日與春
日照燦乾坤光有餘

等閑相見俱傾倒却恨平生心跡踈道聚情懷唯下
日尋常交舊十年餘

清見方崖和尚見寄一偈拆成四絕酌之

龍壽山中老古錐人間難得箇頑癡今朝自笑攜籃
去拾栗餐時忘剥皮

松風吹白鬢邊絲應是秋深蒲柳衰忽聽同參叢席

盛停鉏園手喜舒眉

寄言保此千金重巨鰲背上三山聳播揚大教海潮

音那處叢林不悚動

扶起祥雲零落時須還鰲嶠老宗師關門不鎖家風

大去々來々礙塞誰

材翁侍者訪及野部新居終宵擁爐清話臨別
聊成小詩致謝云

誅節新卜空山塢遠問幽閑意不輕燒盡枯柴言亦
盡共聽寒雨打窗聲

龜峯悅山首座垂訪山中而留兩月款話傾倒
益見道義之厚臨別聊寫拙章五十六言以贈

之云

龜谷山中悅山叟軒昂英氣出常流攬南泉位老黃
蘂掩古寺門陳睦州衆衲服膺真表率佳聲驚耳有
來由這回歸去遭峻擢扶起宗風蕭索秋

賢姪繁茂林當初來備前安國依止老拙時歲

未登志學後十有二年邂逅遠江野部山中執
手話舊相得甚懽雖不同菴而住數々來訪風
雨不渝既亦更涼燠益見其道義之篤老拙衰
暮之極又謀去遠方求幽棲地今日一別自非
夢中者無復會見之期不免爲之悽然仍寫與
四十之字後來若想念宜取之見者耶一笑
幻影圖深隱秋風袂欲分法多清夜月龍壽暮天雲
去後誰思我可憐獨有君精勤持志節歲晚振斯文
書于海印庵扁榜後

吾佛當年輕按指六頭放出大光明庵中主得此三
昧月自珊瑚枝上撐

示僧二首

箇事明々呈似君不須特地策功勳風和日暖黃鸝
轉春在花梢已十分

參禪實大丈夫事一片身心鐵打成你看從前諸佛
祖阿那箇是弄閑情

賢姪石礪特々來訪相陪旬餘擁爐款話甚感
道義之篤今又留偈而別老拙不免依韻謝之
敢望輟介

閑寂空巖霜復月薜蘿菴裏老夫情明朝子又下山
去何日重聽敲戶聲

實翁和尚悼復庵和尚韻

古佛攝光聊誠徒休言今日入無餘禪象幻住人皆
委義在空巖我弗虛塵積趨風羣衲榻篋遺問道摺
紳書年來宗社增寥落只向蒼々打幾噓
老弟特來瞻拜偶師兄暫出便欲歸去而日既
夕矣一夜獨坐西軒之下聊述五十六言以摠
所懷云伏希覲介 玉礪師兄和尚儿下
老龍隱是我知心特問幽棲入邃林寶杖凌晨何處
去空房投宿覺更深照入山月全顏色洗耳松風正
語音可謂這回真會見明朝眷々下青岑

臘八因雪

黃面今朝成道了却將禍事惱人夫我儂求得星兒

火燒爛枯柴看雪眠

康安辛巳春余誅茆江州飯高山下越溪之上
時有松侍者蓋余舊識空室老師高弟也寓于
百濟僧舍數々來見訪孤寂雖相對移時多是
不交一詞而去然其英邁之標粹美之韻飄然
溢于眉宇之間竊喜衰暮偶得忘年友于也一
日告別東歸受業余亦不免爲之增黯然耳袖
出紙需語將爲再會之記因率摛二十八言以
贈云

老來生鐵作心肝一句何會上舌端今日爲君通線
路西風霜葉滿溪山

余忘生端友悅雲峯一別二十有餘載夢寐想
念不已一日忽扣巖扉執手話舊相得甚懽而
亦見惠妙偈唱歎之餘依韻奉謝

蒼顏白髮經年別彼此昔人非昔人今夜肝腸傾不
盡曉窗霜月落冰輪

與周姪

當信吾宗無語句你來得々欲何求草鞋跟底西風
急八月依前是仲秋

夜宿向陽寺

夜宿向陽山裏寺開基尊者我知心三拜壁間遺像
立春禽啼斷綠松陰

鳴海浦

幾人東去又西還潮滿沙頭行路難會得截流那上
句何妨抹過海門關

偶作

即心即佛鏡裏像非心非佛火中冰雨過雲開倚闌
眺遠山無數碧層々
平生渾不愛玄談多懶所須唯黑甜老鼠偷咬牀脚
響日穿疎竹照西簷

與知足禪者

如何是佛即心是梅山梅子熟多時苦風酸雨村煙
斷日暮行人迷路歧

寄主巖方書記時住園林寺

吾兒歸隱舊園林衰朽猶居雲壑深又是天寒歲云暮擁爐聽雪憶知心

相陽瑞侍者迂訪山中款話一宵厥志可嘉且曰欲還故里省觀先師靈塔庶得一偈以為途中警策耳余老矣不辨平仄久之然懇求不已率迅筆贈之云

潭北湘南客夢驚一筇千里問歸程誰知綠水青山外無限風光畫不成

書西明寺壁

去春此地尋花到今日又看黃葉秋嶺上白雲凝不

動自慚衰朽好閑游

休耕菴

閑由一片在山前耒耜拋來三十年只採松花充卒飯煙蘿深處掩扉眠

示村上人

道人來扣我柴門欲把參禪旨要論莫怪山僧懶開口老鷲啼斷落花村

辛卯歲口占

四海煙塵幾日收山林朝市盡戈矛昨宵一夢金難換野人無何鄉裏遊

遊古靈山

爛却靈山古蘭若春來尚自有遊人二千年遠岩前
樹惹引頭陀笑轉新

贈達禪者之少林禮祖

大道本通達休將心覓安老胡肉猶暖嵩嶽倚天寒
謝謙侍者惠蠟燭韻

白雲青嶂石溪邊可惜長年掩戶禪文武火光高萬
丈憑君要看一燈傳

和光知客韻

客來與我投花偈字々如珠宗眼高萬別千差俱截
斷且驚句裏有吹毛

戊秋初投宿于馬郡如意寺檀那明海一見

如故拍掌清談秋宵猶短仍留一偈而去他日
取之見則與對余同也

馬村信士號明海雖在家中勝出家只使道情堅密
去那憂鐵樹不開花

與翼姪訪石塔客居

道人踏雪問寓舍月照寒窗坐對牀居鼎烹茶春一
盞豈同政老橘皮湯

定巖一侍者於余有宗黨之瓜葛遠來山中相
共攻苦食淡屢閱居諸酷見道義之篤今朝忽
告辭而歸覺雄師翁舊隱余殘齡既逼衆掄恐
無復會見之日矣老懷爲之悽愴而已因摠徑

語以世其行云
三年聚首空巖下未暇傾腸亦瀝肝此地須留未後
句歸來為問屋頭山

天關老兄來山中丁夏道聚日夕相共逍遙或
時論懷至于結角羅紋處彼此舉手搖曳而已
今趁秋涼告歸舊隱而見示佳什一篇依韻以
贈云

踏遍天涯海角還誅茅偶得此幽閑白雲實是無心
友因憶古人分半間

老拙一生寄幻影乎山色水聲之中迹來經由
古江飯高山下林溪幽邃頗愜野情因築室數

椽安眠燕坐只圖居此俟殘喘盡耳旋有愛
空閑之道流憧憧者臻松根石上誅茅散處蓋
物以類聚所以理之令然歟關西薰聞叟亦其
一也夫為人爽拔精敏致之為道真佳衲子有
時從容語曰昔辭親離鄉之日自謂吾早徂太
方撥草瞻風依棲良導善友晨夕咨參究明已
事報父母劬勞之恩酬佛祖覆蔭之德幸獲掛
錫名藍荏苒十霜於茲焉同閱伏臘不下五七
百眾屈于要擇其一人將為言行之師何止若
撥浪木火也哉凡屬見聞非唯焦敗菩提種子
殆可滋潤輪回業根深知今時一日出隨于眾

萬劫失利乎已之必矣因憶古人法席全盛之時尚逃名跡累茹茨石室菓食澗飲終身與世邈如嘗聞爲僧須是居岩谷又云柳標橫擔不顧人直入千峯萬峯去吾今豈攀隱哲之勝軌拂衣遠引永歸雲山深更深處乃竊自誓寧可將身投火坑不復脚踏叢林閭寧可窮死荒藪下不謁搢紳豪富門寧可枉遭斷舌災未悟不妄談般若予聽其詞至當痛的不覺涕下嘉歎久之仍迅筆記取系之以二十八言贈云

西山亮去唯幽谷南嶽瓊上空白雲追慕清標高格者又來巖下獨尋君

康安辛丑余投老江之飯高山下時霜林果侍者自京師來同守枯淡經春抵冬余愛他天資絕倫而不與聰明之所感致々兀々斯道斯勤敢無斯須少間虛棄底工夫一夜擁爐閑談之次語曰吾陪衆之日嗜好古書幾乎廢寢忘餐忽有自省學解機智動即長無明增我見殆爲求聲利之基本寧非生死之根株乎不如不以元字脚留于心上其作百木會百木不知底漢退張就己以悟爲期耳亦思古人大法既明之後尚逃物跡之累或一入西山永不復返或溪流菜葉始與人知或有世事悠々不加山丘臥藤

蘿下塊石枕頭等句吾儕何人乎只麼聚首打
關徒閱裘葛今後誓不復入衆追踐隱哲芳躅
斷送此生耳余益嘆其機見高妙實非碌碌餘
子所逮爲偈以贈云

我擇江山深處住溪頭石徑看雲臻
稚龍離鳳英靈子殘月長庚衰暮身共掩
却茨庭積雪旋燒稍拙室生春莫言法社
今岑寂異日林丘自有入

贈鏡庵主

即心即佛太郎當非心非佛絕商量
芒鞋踏破關山雪處寒梅撲鼻香

和靈叟和尚韻

丘嶽襟懷水雪面庸流滿世少斯賢
可憐虛度九陰了不見高標又十年

芝巖書記累枉顧山中足則不忘道
義况亦惠以往件唱歎不已愧其績
貂不敢攀韻尾別寫亦偈奉辭切勿
出示於人只將去前頭糊窗或
是覆瓿方知老拙用心之勤矣

年老身窮人所棄吾兄何事問菴居
臨行求語無可說強豎拳頭當贈車

送牧書記

掃除夫子文章印擊碎如來藏裏珠
一策春風阿刺刺此行那敢涉俗途

水車

奔流光裏機關立，便轉曹溪大法輪。器之相傳無異味，羣生一洗渴心塵。

清居軒

青山一抹隔紅塵，蘿月松風能小隣。機境都來高坐斷，寥々不見到門人。

成親墓

念患殞命最堪憐，掩恨蒼蒼二百年。無事休來平氏客，恐驚泉下永宵眠。

中秋偶作

中庭無人月自明，索々金風入衣襟。旋拾落英盈地

香真瀟聲遠，情何極。

月到中秋最利害，使人特地惱閑情。一年三百六十夜，輸却今宵半刻明。

山居

不求名利不憂貧，隱處山深遠俗塵。歲晚天寒誰是友，梅花帶月一枝新。

丙午歲試筆

山中氣象即辰新，盡是明心見性人。添得滿空飄瑞雪，梅開五葉一花春。

一毫頭上發春容，徧界靄然和氣濃。莫管山僧頭已白，曉來雪覆萬年松。

宿金剛寺

隣寺屢來遊，通官談未了。山村無更鼓，窓白覺天曉。

耕月

趁起鐵牛頻著鞭，山前何處是閑田。一犁雨過千峯外，玉兔推輪下曉天。

無參

當處知非放下，休有何箇事可馳求。南方了角小童，子空向百城煙水遊。

江月

渺茫楚水拍空流，潮撼錢塘夜不收。玉鑑光寒萬浪底，依前天上下輪秋。

遁巖

塵世逃蹤如避秦，碧松崖下寄孤身。寥々無鳥含花落，不許空生來上隣。

竹隱

烏憐貞節與虛心，特地移筇更入深。休擲片軛輕一擊，閑聲恐是落叢林。

竹堂

憶昔香巖一擊來，六門長對遠峯開。茫茫摘葉尋枝底，多是空從闥外回。

孤雲

一片無羈自在飛，卷舒開合更何依。笑它多是從龍

去獨向舊山深處歸

雪樵

風攪空花片片飛老盧提斧出柴扉自知徹骨寒來
重擔取無根樹子歸

要翁

休把三玄排列去寧將至德比家風是佗親切為人
處老矣指西還作東

別宗

雖離標月指頭邊不是拈花微笑禪聞說泥牛參木
馬迦文法派更流傳

悟剛

自從除却礙膺物拔地高風萬仞寒一點迷雲飛不
到峯頭夜々月團々

慧海

一點靈知因定發無邊香水納象流泥牛鬪入洪波
裏高吼珊瑚明月秋

堪叟

面上唾痕如雨點耳邊惡語似雷轟長年一種平懷
去添得眉毛霜幾莖

月翁

坐斷廣寒宮殿高天風吹鬢半霜毛光吞萬象無邊
表爛々雙眸老益豪

栢翁

千年真操作，松根蒼老執如龍。屈蟠今日叢林梁棟，漢看來盡是我兒孫。

本閑

深窮萬法徹靈源，豈與末流同日論。物外寥々常獨坐，任佗地覆復天翻。

敬庵

動靜常居慎肅中，何人不仰這家風。低頭獨坐茆簷下，百鳥潛蹤春晝空。

雲叟

舒卷無心轉淡然，千峯萬壑幾經年。既休為雨從龍

去自有兒孫，垂布天

鑒翁

揩磨淨盡一靈臺，曠劫古菱花正開。照破未生前，面

目雪眉撇却笑哈哈

萬法根源都達了，任佗年老亦身閑。却將千聖流傳

底分付兒孫高掩關

友山

茫茫塵世少知己，眼界蕭條冷似秋。要見渠儂真伴

侶，千峯萬壑碧凝眸

西峯

五天獨聳勢巍然高壓東方萬八千寸步不移窮到頂衲僧脚下是通玄

悅堂

慶快平生非等閑燈籠露柱笑開顏誰知千古分明意太坐當軒風月寒

怡雲

我此山中心悅適清奇冷淡舊相依倚欄盡日堪縱目却怕從龍為雨飛

懶庵

獨逞踈慵謝萬緣柴門深掩度殘年對人猶自忘開口莫怪無心強緊拳

去自有兒孫垂布天

鑒翁

揩磨淨盡一靈臺曠劫古菱花正開照破未生前面目雪眉掀却笑哈哈

通叟

萬法根源都達了任佗年老亦身閑却將千聖流傳底分付兒孫高掩關

友山

茫茫塵世少知己眼界蕭條冷似秋要見渠儂真伴侶千峯萬壑碧凝眸

西峯

五夫獨聳執巍然高壓東方萬八千寸步不移窮到
頂衲僧脚下是通玄

快平生非等閑燈籠露柱笑開顏誰知千古分明
意太坐當軒風月寒

我此山中心悅適清奇冷淡舊相依倚欄盡日堪縱
目却怕從龍為雨飛

獨逞踈慵謝萬緣柴門深掩度殘年對人猶自忘開
口莫怪無心強豎拳

喝巖

忽雷轟破太虛空嶮布危分幾萬重千里聞風驚吐
舌啼猿尚在月明中

未月窻

冰輪高輾碧天秋光透虛櫺灑氣流內外玲瓏常不
夜如何著得睡獼猴

月屋

圓未圓前眼豁開茹茨變作玉樓臺縱超物外南泉
老不許敲門推戶來
玉斧修成幾度秋瓊樓金殿類難侔直饒光境俱亡
底事似且居門外休

石室

巖巖函丈誰能入戶牖堅頑鎖蘇痕碧眼嵩山面寒
壁黃頭摩竭掩空門

無塵

倒拈生鐵禿苔帚幕忽翻身一掃來普請諸人看脚
下閑々地上絕纖埃

月山

圓未圓前須著眼屋頭青嶂廣寒宮若從光影那邊
看雲鎖煙籠千萬峯

挂輪高掛碧天寬萬朵峯巒玉一團巖下空生腸欲
斷孤猿叫落五更寒

大林

森々植立闊浮樹枝葉交加歲月長覆陰恒河沙數
客炎天無日不清涼

字山

拈起毫端義炳然孤峯峭峻勢凌天更從一點已前
看未必須彌到半邊

順叟

與物相逢未曾逆得隨流處且隨流滿頭白髮三千
丈餘筭今年八十秋

古巖

不落今時高著眼玲瓏八面碧崔嵬欲知空劫已前

事且向懸崖撒手來

竺雲

靈就鳥峯頭處寸興五天便見影層々幾回為雨雲沙
界歸伴半間分屋僧

空極

諸法以何為座也十方不立一微塵是心窮至無心
地選佛場中及第人

竹澗

一兩莖斜三四曲當頭直永截根源後來未學論枝
葉昨復前溪撈月痕

樵屋

柴枯直下下刀斫擔取歸來溪畔家賣與買人々不
見柴門高掩臥煙霞
腰斧擔歸枯爛柴茅廬只是傍溪棲廬即常人新州
而門掩寒雲日又西

石澗

最磽确處平如砥下有寒溪徹底清木小山中閑佛
法流傳將去太忙生

傑堂

門風挺出萬人頭寂寞庭前丈草秋正是衆中尊貴
墮燈籠露柱笑難休

隱溪

隱溪

韶光鏘彩幾春秋，澗底誅邪蓋却頭。恐是世人知住處，莫教菜葉放隨流。

默耕

口未開前談不二，山河大地怒雷轟。鐵牛鞭起一犁雨，祖父田園秋已成。

玉巖

一片無瑕耀萬山，玲瓏八面又高寒。連城至寶非難得，便請懸崖撒手看。

愚隱

棄才泯智返癡頑，拙跡懶留塵世間。常祖移茅深處去，亮公拽杖入西山。

徹叟

百市千重列祖關，一時拶透不為難。而今老無餘事，素髮垂心自閑。

茂林

深沈鬱密影敷榮，梁棟奇材集大成。因憶雄峯叔叢席，蔭涼徧界古風清。

月舟

桂輪高掛碧天清，萬頃煙波一葉橫。光境俱忘不立，蓬窗靜坐夜三更。

休庵

古德縛師泉石邊，見僧尚自豎空拳。不如一歇一切

歇門掩煙蘿盡日眠

西溪

萬里岷峨夾碧流急如劈箭有源由
甲巖亂石攔不住直到東溟方始休

大年

試將壽域配乾坤無始無終寧紀元
箕自威音至彌勒聖元是我小兒孫

一澗

源脉何曾落一二莫將支派涉多談
誰知不混常流底涓滴全無湛似藍

一叟

橫行湖海逞孤風今古應無第二翁
試問生來年幾許擡眸笑指大虛空

松嶽

蒼翠豈惟千萬年風濤激起祝融巔
大夫名不污貞操歷斷諸峯高插天

不立

誰論是句與非句一切剷除當處空
鴈字成行秋日晚無端玷辱我宗風

祖庭

少室門前平坦地千年徒自長莓苔
一方明月光如雪斷臂師僧殊未來

華嶺

五葉開時萬木香，此山領得幾春光。誰能拈起誰微笑，絕頂寥寥又夕陽。

靜中

一室寥寥常獨坐，渾無外事動閑情。有時欲截窗前竹，耳亂風枝雨葉聲。

直翁

指人見性還迂曲，特地如何證又羊。爭似三家村裏漢，垂々霜鬢事耕桑。

愚默

百不能時心已灰，飢食渴飲放癡哉。雖然杜絕娘生

口，誰聽其聲轟怒雷。

歸海

須知格物本無功，衆水皆奔渤澥中。當日馬師聊翫月，大雄峯頂浪翻空。

曉山

玉兔已過西嶺外，金烏初上最高峯。霜天欲曙唯寒色，萬嶽千巖一目中。

實堂

餘二悲真唯一事，滿軒風月意分明。舉揚已得無虛偽，不管庭前荒草生。

覺海

太圓滿果浩無邊自有金波湧拍天始本雙忘不
立珊瑚枝上月嬋娟

藏叟

恰似摩尼鬘寶光退身深隱幾青黃教佗魔佛窺難
見白鬢吹秋坐夕陽

雲澗

溪邊歸去抱幽石似悔當初出岫行從此凝然閉不
徹教它流水太忙生

日峯

金鳥飛上碧層巔賜谷咸池欲曙天刹々塵々照臨
下孤高峭峻是通玄

塵沙刹界照臨圓屹立扶桑賜谷邊脚下何人黑如
漆且來登此最高巔

梅山

昨夜一枝凌雪開千岩萬岳見春回欲參心卽是佛
旨向最高峯進步來

竹叟

心虛體勁直還清獨立叢林稱老成且喜此君增氣
節龍孫龍子逐年生

霜山

青冥露結布寒威染盡千林曝錦機唯有孤峯白如
雪曉夫雲靜峭出魏々

春谷

雲罩桃花洞口橫如呼如答亂鳴鳥聲風光長是二三
月却笑廬山錦繡名

旨庵

得宗訣後便歸去石室茅茨三十年此意無人來問
取寥寥掩戶綠蘿煙

萬山

等閑倒指筭來看巖嶂重巒歸十千不淡數量高者
眼通玄峯頂插青天

方外

本色衲僧真往處遠離上下四維間堪憐歷代傳燈

祖出得西天東土難

釣月

垂絲千尺泛扁舟意在金鱗幾度秋今夜不空把竿
手玉蟾影動上釣頭

桃隱

煙霞鎖斷洞中空獨愛花開爛熳紅不許避秦人到
此夕陽流水幾春風

松峯

風攬千年蒼翠動山頭日夜激驚濤似嫌九木交枝
葉立處凌雲萬仞高

自聞

不是依在方現成從來已事太分明山堂夜靜聊傾
聽雨後前溪添得聲

徹叟

翻身透得祖師關百市千重也是閑老法渾無些子
力倚筇獨立看青山

無百

佛語猶嫌到身邊等閑眇視祖師禪渾無下法投吾
意只對青山高枕眠

石叟

對人似有點頭心蒼髮垂霜歲月深歷劫應無消
也兒孫太小滿山林

